

戚
也
保
集
卷
三



0 31817

道光丁未年重聚

成心保聚
譜書編

仙遊崇勲祠藏版

重刊臧少保年譜耆編序



明嘉靖四十二年倭寇由莆入僊環攻日
急城幾不保時御史李公奏請以少保戚
公及巡撫譚公自浙省提師來援星夜奔
馳威震閩海倭聞風逃竄僊城賴以安堵
事平後邑之人建祠以祀額曰崇勳同郡
張八峯少卿方頤菴給諫為之記閱今三
百餘年矣余少時讀邑乘稱少保至莆田
將出師烟霧四塞其子印為前鋒勒馬回
求且駐師少保怒其犯令殺之又述僊父
老言其妻弟率兵宵濟虎嘯潭溺焉今塑
像以配每歲祭虎嘯潭溺死諸軍必迎像
以主其祀及閱少保年譜則兩事皆不錄
豈傳聞異詞歟抑秉筆者有所略歟少保
舊有練兵實紀紀效新書兩種盛行於世
而年譜則閩中向少刊本道光丁未先

大父從故家檢得抄本兩部訂校訛謬於
原闕字句均仍其舊刊成十二卷其布陣
擺船諸圖及遣兵條約悉著於譜為兵家
所矜式咸豐癸丑板遭寇燬殘失過半於
時逆氛煽擾軍務頗仍講求韜略者屢索
是書無從印刷余亦東走西奔弗克仰承
先志方今梯航遠屆海內肅清固將鑄劍
歸農矣而拯危捍患於少保之遺澤不能
忘也因與祠內諸友議仿原本補刻并書
數言以紀其顛末畧

光緒四年歲次戊寅十月鯉水王念修識



戚少保年譜者編序

蓋予觀於少保戚公而識將道之全也於浙浙靖於閩閩靖於燕薊燕薊靖若□車若練□□□臺制□營至今邊陲□以固束髮從戎作國干城者四十餘年卒奉身退以考終於室天子賜之葬祭俎豆鄉廟猗與盛矣哉竊因是益有慨云夫莫堅必爲之事而旁權足撓之繇始志挫矣丈夫提三尺劍南殲北馘入濤塞間用則爲呂管不用亦爲王廉勝則爲樂曹卽敗亦爲孟明子儀捐軀命違艾曷凡以欲行胸臆耳憑血氣之憤嗔張咆哮一雞肋兒饒爲之迨爵戚少保年譜

卷首 原序

逾崇權逾重外顧門業內念妻孥前有阻後有制疇昔永矢奮掃不懼已不覺爲之奪夫已氏也亦自謂何似者今戚公年譜具在其間自旋自往萬克萬當用數十萬之衆如手喻指眇中外之睨如鳴嚇鳳以故踏小湖鏖平海掀輿化選鋒馬鼻撤政和莢壽甯大鞬大石跳仙遊與許家村而王倉坪蔡家坡海壇山仙社巖沙堤澳膊之拔之踏浩之天地震動神鬼怖驚呼其名尚堪斷瘡乃惜者猶云將相齟齬未能竟公之大用不知公之氣之志已蓋上不萬千年目一時之當路可仰可俛任亦爲不任亦爲非論有掣

無擊也三人牧羊羊不得食人不得息去三人而縱
千羊童子可狎言乎貴顯也用志不分乃凝於神承
嗣之技且然矧生殺人之命寄推轂闔外曷事哉予
真者薄有鄙志不克遂而聊籍介冑除前古將畧獨
往嚮公誌于膈者幾年近奉璽鎮登萊始交公令子
閻帥君得悉公本末大慰素心因出茲譜共相慨慕
急付剗劂以廣聞見嘉哉公昌厥後予甚有遜也蓋
公時內不援而立豎如許予幸處熙朝首輔藹協所
建殊不逮且先世耕讀談兵色變茂年投筆未免如
岳將軍之野戰公以世冑起家得讀父書所謂將門
威少保年譜

卷首 原序

二

出將故師出以律公子承襲纘緒弓裘益恢公之大
業紀公軼行年櫛日比成一家言而予子悉景升兒
惟事毛錐予年復過七十自且不憶往事又安望一
一如公嗣善述耶故畧公歷蹟獨娓娓追美出處大
節樹幹壯猷以見獨志之能成也旁撓之無爲也將
道之克全也後有起者洵不可及矣天啟壬戌嘉平
月奉勅鎮守山東等處地方防海總兵官中軍都督
府都督僉事宛陵沈有容撰

予嘗祥國輩於丁亥冬讀禮時卽欲纘述先少
保功績疏議合爲一書以垂永久不意忽遭回

殿乃於煨燼中檢拾殘帙以待彙纂間時大司
馬曲周公與先少保有斷金之雅特趨不肖祚
國赴襲都門逾執戟幕府比年效力疆場奔走
風塵戎馬之中倏忽歲月不覺蚤已踰艾方檢
點殘集以表揚先烈會我大都督宣城曹海沈
老公祖開府東牟帳門容之澆漓憐屋鳥之幽
獨知不肖輩食貧有日嘆先少保功業失傳概
捐資費爲不肖輩成此一書以傳世世其援濟
嘉惠不啻高厚之覆幬我也祚國何幸仰承濺
澤而得以成先德於沒世乎夫沈老公祖當帥
閩浙時嘗提孤軍往來海上平東番卻西夷擒
劇盜剿勁倭是皆閩世勇畧而烜赫於旂常者
也閩浙士紳稱頌功德集有贈言已垂不朽今
東海方倚爲干城其畧定三韓且當取封拜如
左券矣其憐兜惠政則又其博濟之仁云

凡例

一家嚴裁定之功昭於海內雖知者比比或未聞其詳也謹據生平寔績勒爲年譜劄劄以傳

一當時經營戎務積有案牘一書二十餘卷後佚落僅有十之三四今據見存者節錄其要全文不能悉載

一浙閩諸捷外有總督撫按之題疏內有兵部之覆疏可覈亦間有格於勢而不得錄者俱據寔以書不敢妄益一字

一家嚴在浙已爲偏將在閩則爲大將其所部偏裨

戚少保年譜

卷首 凡例

以下節有以捷間有不親歷行陣者俱指授方畧委任成功

一同時征剿之將不一各有功勩題疏分別甚明不及悉載者以非家嚴之功也凡功屬他將者一級不敢混錄

一臨陣機宜變在頃刻者或無傳不得悉載所有預定之號令附見一二

一詩文有止止堂集今所載取其有關事績者附入奏疏亦有集此中止錄其要不全載

一創練土著具見家嚴練兵條議而方輿勝畧所具

圖說乃屬之總督胡公何其妾也

一台州平夷皆家嚴勝算克捷見有題疏可據而平夷傳中大半歸功於監軍唐公不情甚矣

一燕山勒功銘其所條畫用兵戰守之畧寔家嚴于京營總理時所上之籌策有請兵辯并薊疏可據而有以爲督府譚公之議者恐公論自不能泯也

一不係戰功疏薦與附見之事蹟俱分註以別其類

保年譜

卷首

凡例

二

史本傳

戚繼光字元敬世登州衛指揮僉事父景通歷官都
指揮署大[圖]都司入爲神機坐營有操行繼光幼個
儻負奇氣家貧好讀書通經史大義嘉靖中嗣職用
薦擢署都指揮僉事備倭山東改僉浙江都司充參
將分部[圖]紹台三郡三十六年倭犯樂清瑞安臨海
繼光援不及以道阻不罪尋會俞大猷兵圍汪直餘
黨於岑港久不克坐免官戴罪辦賊已而倭遁他倭
復焚掠台州給事中羅嘉賓等劾繼光無功且通番
方按閩旋以平汪直功復官改守台金嚴三郡繼光
至浙時見衛所軍不習戰而金華義烏俗稱慄悍請
召募三千人教以擊刺法長短兵迭用由是繼光一
軍特精又以南方多數澤不利馳逐乃因地形制陣
法審步伐便利一切戰艦火器器械精求而更置之
戚家軍名聞天下四十年倭大掠桃渚圻頭繼光急
趨甌海扼桃渚敗之龍山追至鴈門嶺賊遁去乘虛
襲台州繼光手殲其魁蹙餘賊瓜陵江盡死而圻頭
倭復趨台州繼光邀擊之仙居道無脫者先後九戰
皆捷俘馘一千有奇焚溺死者無算總兵官盧鏜參
將牛天錫又破賊甌波温州浙東平繼光進秩三等

廣賊流入江西總督胡宗憲檄繼光援擊破之上
坊巢賊奔建甯繼光還浙江明年倭大舉犯福建自
溫州來者合福甯連江諸倭攻陷壽甯政和甯德自
廣東南澳來者合福清長樂諸倭攻陷元鍾所延及
龍巖松溪大田古田莆田是時甯德已屢陷距城十
里有橫嶼四面皆水路險隘賊結大營其中官軍不
敢擊相守踰年其新至者營牛田而酋長營興化東
南互爲聲援閩中連告急宗憲復檄繼光勦之先擊
橫嶼賊人持草一束填壕進大破其巢斬首二千六
百乘勝至福清搗敗牛田賊覆其巢餘賊走興化急
追之夜四鼓拔賊柵連克六十營斬首千數百級平
明入城興化人始知牛酒勞不絕繼光乃旋師抵福
清遇倭自東營澳登陸擊斬二百人而劉顯亦屢破
賊閩宿寇幾盡於是繼光至福州飲至勒石平遠臺
及繼光還浙後新倭至者日益衆圍興化城匝月會
顯遣卒八人齎書城中衣刺天兵二字賊殺而衣其
衣給守將得入夜斬關延賊副使翁時器參將畢高
走免通判奚世亮攝府事遇害焚掠一空留兩月破
平海衛據之初興化告急時帝已命俞大猷爲福建
總兵官繼光副之及城陷劉顯軍少壁城下不敢擊

大猷亦不欲攻需大軍合以困之四十二年四月繼光將浙兵至於是巡撫譚綸令將中軍顯左大猷右合攻賊於平海繼光先登左右軍繼之斬級二千二百還被掠者三千人綸上功繼光首顯大猷次之帝爲告謝郊廟大行赦賚繼光先以橫嶼功進署都督僉事及是進都督同知世廕千戶遂代大猷爲總兵官明年二月倭餘黨復糾新倭萬餘圍仙遊三日繼光擊敗之城下又追敗之王倉坪斬首數百級餘多墜崖谷死者數千奔據漳浦蔡丕嶺繼光分五哨身持短兵緣崖上俘斬數百人餘賊遂掠漁舟出海

戚少保年譜

卷首本傳

三

去久之倭自渤犯福甯繼光督參將李超等擊敗之乘勝追永甯賊斬馘三百有奇尋與大猷擊走吳平於南澳遂擊平餘孽之未下者繼光爲將號令嚴賞罰信士無敢不用命與大猷均爲名將操行不如而果毅過之大猷老將務持重繼光則馳發電舉屢摧大寇名更出大猷上隆慶初給事中吳時來以薊門多警請召大猷繼光專訓邊卒部議獨用繼光乃召爲神機營副將會譚綸督師遼薊乃集步兵三萬徵浙兵三千請專屬繼光訓練帝可之二年五月命以都督同知總理薊州昌平保定三鎮練兵事總兵官

以下悉受節制至鎮上疏言薊門之兵雖多亦少其原有七營軍不習戎事而好末技壯者役將門老弱僅充伍一也邊塞逶迤絕鮮郵置使客絡繹日事將迎參游爲驛使營壘皆傳舍二也寇至則訓遣無法遠道赴期卒斃馬僵三也守塞之卒約束不明行伍不整四也臨陣馬軍不用馬而反用步五也家丁盛而軍心離六也乘障卒不擇衝緩備多力分七也七害不除邊備曷修而又有士卒不練之失六雖練無益之弊四何謂不練夫邊所藉惟兵兵所藉惟將今恩威號令不足服其心分數形名不足齊其力緩急

戚少保年譜

卷首本傳

四

難使一也有火器不能用二也棄土著不練三也諸鎮入衛之兵嫌非統屬漫無紀律四也班軍民兵數盈四萬人各一心五也練兵之要在先練將今注意武科多方保舉似矣但此選將之事非練將之道六也何謂雖練無益今一營之卒爲敵手者常十也不知兵法五兵迭用當長以衛短短以救長一也三軍之士各專其藝金鼓旗幟何所不蓄今皆置不用二也弓矢之力不强於寇而欲藉以制勝三也教練之法自有正門美觀則不實用實用則不美觀而今悉無其實四也臣又聞兵形象水水因地而制流兵因

地而制勝薊之地有三平原廣陌內地百里以南之形也半險半易近邊之形也山谷仄隘林薄翳翳邊外之形也寇入平原利車戰在近邊利馬戰在邊外利步戰三者迭用乃可制勝今邊兵惟習馬耳未嫻山戰林戰谷戰之道也惟浙兵能之願更予臣浙東殺手礮手各三千再募西北壯士足馬軍五枝步軍十枝專聽臣訓練軍中所需隨宜取給臣不勝至願又言臣官爲創設諸將視爲縶疣臣安從展布章下兵部言薊鎮既有總兵又設總理事權分諸將多觀望宜召還總兵郭琥專任繼光乃命繼光爲總兵官

戚少保年譜

卷首本傳

鎮守薊州永平山海諸處而浙兵止弗調錄破吳平功進右都督寇入青山口拒卻之自嘉靖以來邊牆雖修墩臺未建繼光巡行塞上議建敵臺畧言薊鎮邊垣延袤二千里一瑕則百堅皆瑕比來歲修歲圯徒費無益請跨牆爲臺睥睨四達臺高五丈虛中爲三層臺宿百人鎧仗糗糧具備合戍卒畫地受工先建千二百座然邊卒木彊律以軍法將不堪請募浙人爲一軍用倡勇敢督撫上其議許之浙兵三千至陳郊外天大雨自朝至日晷植立不動邊軍大駭自是始知軍令五年秋臺功成精堅雄壯二千里聲勢

驍捷謂予世廕賚銀幣繼光乃議立車營車一輛用
四人推輓戰則結方陣而馬步軍處其中又製拒馬
器體輕便利遏寇騎衝突寇至火器先發稍近則步
軍持拒馬器排列而前間以長鎗篋筦寇奔則騎軍
逐北又置輜重營隨其後而以南兵爲選鋒入衛兵
主策應本鎮兵專戍守節制精明器械犀利薊門軍
容遂爲諸邊冠當是時俺答已逼貢宣大以西烽火
寂然獨小王子後土蠻徙居插漢地控弦十餘萬常
爲薊門憂而柔顏董狐狸及其兄子長昂交通土蠻
時叛時服萬曆元年春二寇謀入犯馳喜峯口索賞
不得則肆殺掠獵傍塞以誘官軍繼光掩擊幾獲狐
狸其夏復犯桃林不得志去長昂亦犯界嶺官軍斬
獲多邊吏諷之降狐狸乃款關請貢廷議給以歲賞
明年春長昂復窺諸口不得入則與狐狸共逼長禿
令入寇繼光逐得之以歸長禿者狐狸之弟長昂叔
父也於是二寇率部長親族三百人叩關請死罪狐
狸服素衣叩頭乞赦長禿繼光及總督劉應節等議
遣副將史宸羅端詣喜峯口受其降皆羅拜獻還所
掠邊人攢刀設誓乃釋長禿許通貢如故終繼光在
鎮二寇不敢犯薊門尋以守邊勞進左都督已增建

陝臺分所部十二區爲三協協置副將一員一員士
馬炒蠻入犯湯克寬戰死繼光被劾不罪久之炒蠻
偕妻大嬖只襲掠邊卒官軍追破之土蠻犯遼東繼
光急赴借遼東軍拒退之繼光已加太子太保錄功
加少保自順義受封朝廷以八事課邊臣曰積錢穀
修險隘練兵馬整器械開屯田理鹽法收塞馬散叛
黨三歲則遣大臣闕視而殿最之繼光用是頻廢賚
南北名將馬芳俞大猷前卒獨繼光與遼東李成梁
在然薊門守甚固敵無由入盡轉而之遼故成梁擅
戰功自嘉靖庚戌俺答犯京師邊防獨重薊增兵益
戚少保年譜

卷首本傳

七

餉騷動天下復置昌平鎮設大將與薊相唇齒猶時
躡內地總督王忬楊選並坐失律誅十七年間易大
將十人率以罪去繼光在鎮十六年邊備修飭薊門
宴然繼之者踵其成法數十年得無事亦賴當國大
臣徐階高拱張居正先後倚任之居正尤事與商確
欲爲繼光難者輒徙之去諸督撫大臣如譚綸劉應
節梁夢龍輩咸與善動無掣肘故繼光益發舒居正
歿半歲給事中張鼎思言繼光不宜於北當國者遠
敗之廣東繼光悒悒不得志強一赴踰年卽謝病給
事中張希臯等復劾之竟罷歸居三年御史傅光宅

臨陣以奪俸繼光亦過卒繼光更歷南北並著聲在
南方戰功特盛北則專主守所著紀效新書練兵事
實誠兵者遵用焉第繼美亦爲貴州總兵官

戚少保年譜

卷首

木傳

八

鳳少保年譜者編卷之一

晉張玉國瑞臨

閩嗣祚國彙纂
緹嗣昌國集錄

廩嗣報國詳訂

庠嗣興國叅校

戚之先為衛之大夫封邑於河東食采於戚百代
有顯者未敢遠引亦未有如家嚴之文武具足也
家嚴諱繼光字元敬號南塘晚號孟諸世家東牟
官衛尉而為東海氏焉考自始祖詳當元末時從
外氏避亂濠梁居定遠之昌義鄉會韓山童倡亂

鳳少保年譜

卷一

徐壽輝等兵起我太祖略地至定遠遂首先歸附
選充小旗勦力三十年始除應天衛中所百戶後
征雲南陣沒上念開國功授子斌明威將軍世僉
登州衛指揮事初蒞衛即督修郡城大有勤勞為
諸僚倡斌生珪倜儻有俠節能文章詩賦駢麗有
唐風特著家訓一編珪生諫有膂力弱冠獨搏一
虎鄉閭異之諫生宣宣無嗣有弟曰甯娶郡守閻
琮姊生大父景通方六歲藐焉孤矣時閩年二十
四躬紡績事親訓子艱苦萬狀毫無怨色以節孝
著聞部族表表及長幹修督伯宣實卒當世

天啓
鳳氏
鳳山
鳳山

通於神明奉官有守以孝廉聞清提兵極劉賊
及青州賊李琪等屢立戰功歷連帥坐神機營家
嚴其冢嗣也狀貌莊嚴丰神朗潤隆準方頤聲語
洪遠資性沉毅有大度具文武全才孜孜以孝爲
忠不治家人生業喜事經書尤長詩翰古文私淑
陽明大闡良知胸中澄徹如冰壺秋月坐鎮雅俗
有儒者氣象當宴樂游賞杯酒交酌手不停揮口
耳應接目雙行下而酬對無爽若夫排難解紛靈
推電掣禮賢下士風動雲行靡監王事夜以繼日

歲少保年譜

卷一

經理庶績忘食忘憂而且大德不德無智名無勇
功則不矜不伐之念尤勞謙之所本也其韜畧營
陣皆經世鴻猷在閩浙則活人叢蟻在薊門則官
人萃藪且所在年登民富士集商盈人皆以爲福
神其所著作甚富垂訓有家乘愚稿交游有箋
牘詩文有橫槊稿籌國有請兵辨食芹稿奏疏案
牘治兵有紀效新書練兵寔紀儲練通諭哨守條
約諸集皆鑿鑿見之行事非徒托諸空言四提將
印佩玉三十餘年野無成田囊無宿金惟集書數
千卷而已其爲人也宏廓深沉若涉北海不可爲

量功高天下蹇蹇匪躬位極人臣小心翼翼夷夏仰其威聲縉紳慕其丰采矢心爲國四十五年如一日也用兵如神揮金如土峻德巍功完名全節特進三朝歷封四代抵今無不景仰戚少保云

世宗皇帝嘉靖七年戊子冬閏十月朔家嚴生于濟甯南六十里之營橋

故有異人言禍福皆驗下帷而逼賓客無敢窺其中大父自通姓名褰帷而入異人據槁木衣褐衣起相勞曰將軍端人老夫無所隱也問子息曰此非吾所知明年朝會茅山當爲公察早晚如期至

處少保年譜

卷一

三

都省大父賀曰將軍有丈夫子二人第遲遲耳此後十三年戊子閏十月朔冢子生歷著戰功爲三朝虎臣名將無雙無憂晚也後五年舉介子足當雁行老夫姓鍾年八百歲願乞冢子爲第子毋相忘及戊子歲果閏冬月無爽初太父暨嫡大母張太夫人居北堂大母王太夫人居南堂至期夜漏方午夜父夢中躍起如拱揖狀大母張驚而挽之始寤詰所以曰吾方夢鍾仙峩冠絳衣執簡降於庭正迎迓間倏虎變而躍入南堂言未已侍婢扣戶報家嚴生時閏十月朔日巳巳子時也於時王

大母亦夢絳衣神人執笏拂空而下厥明日華五色大父因以命名焉

嘉靖八年己丑家嚴二歲

詔旌曾大母閻氏節孝起擢大父孝廉府君山東都司以都指揮督備倭諸軍事

先隴素產芝因名芝山今年又產紫芝三莖焜耀異常曾大母閻氏方蒙旌表撫家嚴曰爾祖德宜昌阜而慶在孺子矣先是正德辛未劉賊橫行山東大父孝廉府君奉檄守鄒提師一旅往禦之賊平則以軍政掌印名寔日起而且持已端嚴行誼

戚少保年譜

卷一

四

清篤撫按會舉孝廉以聞遂于庚辰年陞江南漕運把總以裁費太多忤於時回衛有年當道累薦不置是年奉詔復起進官督備倭於海上

嘉靖九年庚寅家嚴三歲

大父孝廉府君轉山東操捕屯局僉書進署都指揮僉事

嘉靖十二年癸巳家嚴六歲

大父孝廉府君遷掌大甯都司篆贈曾大父昭勇將軍都指揮僉事曾大母封太淑人時家嚴侍曾大母歸里大父乃之任屬治河工成尋遇恩例寔

按都指揮僉事 孝廉大畧具載保定志中

秋七月朔仲叔繼 生以父功由諸生歷千戶歷都督驍騎將軍

嘉靖十三年甲午家 七

春二月出舍外傳始就學

嘉靖十四年乙未家嚴八定

大父孝廉府君拜神機營副將

嘉靖十五年丙申家嚴九歲

家嚴生而豁達質貌莊簡長而鷹揚英氣勃然
餘則融泥作基剖竹為桿裁色滌為旌 或聚五礮
為陣壘陳列階肥研究變合部什精明 臨壘整旅

戚少保年譜

卷一

五

居然蛇鳥之勢而綽有風雲之狀他日旗幟金鼓
之節營伍奇正之方茲已預籌其算而微露其斑
矣時幼妹藉楮旗為嬉戲家嚴手舞毒蛇逐而索
之膽氣凜然無懼色鄉人羣異之曰此非童子中
人也

嘉靖十六年丁丑家嚴十歲

冬十二月再贈一品夫人祖妣王大母卒

大母王太夫人於是月二十日捐庭闈時年四十
二乃本衛百戶王公女賦性端莊敬事張嫡大母
相得甚懽家人惟分南北堂稱之惜天奪算太速

家嚴方十齡天性仁孝哀毀如禮孺者大悅
因嘆曰喪而致哀幼而盡禮則少連不齊也孺子
其大器乎

嘉靖十七年戊戌家嚴十一歲

大父孝廉府君子告歸養母尋葬大母王太夫人
於芝山之側先是大父任大閹時曾大母閻太夫
人已東歸矣至是思母不輟乃告終養得旨列俸
山東以便養親云

嘉靖十八年丁亥家嚴十二歲

大父孝廉府君始緝居第時居第垂二百年久圯

戚少保年譜

卷一

六

不得已而營繕之命工爲綺疏四戶列兩楹間工
語家嚴曰公子將門請綺疏十二戶家嚴以請大
父叱曰爾能樹身獲世守此以奉宗祀使吾無得
罪於先世爾猶聚族於斯不然此且不保四戶足
矣家嚴默然有頃因問立志安在曰在讀書曰讀
書在識忠孝廉節四字否則焉用卽命以此四字
揭諸新壁家嚴亦不求安飽篤志讀書期續孝廉
之績云

嘉靖十九年庚子家嚴十三歲

春三月聘萬戶南溪王將軍棟女爲配

大父白首子舍每上食率詣子女弄雛母前以悅
母心時家嚴綦綦履過庭大父乃詎曰童子何爲綦
履綦履必錦衣錦衣必肉食爾父清白必不爾饜
爾他日將饜卒伍以自封難爲後矣旣而知外氏
所遺母命也卒裂之家嚴好弄押闔多權奇大父
嘗從異人鍾仙受大還銅鼎烹汞偶退火出室命
家嚴主扃因進武火大烹扃戶自若有頃大父排
戶入勃然大驚叱曰孺子無知冒不測而撓九龍
敗矣遂覆鼎而出汞皆成金躬覆試之百端不敗
因復嘆曰鼎有寔非孺子良惟予先世無罪寔亡

歲少保年譜

卷一

七

非先世咎惟予無良遂舉方藥汞金並瘞之又嘗
以木器貯硝樓中戒勿上家嚴私舉火爲戲氣焰
灼天大父厲聲詰之弗應跡之旣燃且燼圍而入
板者寸之三乃洒然異之曰孺子其得天侈矣乎
嘉靖二十年辛丑家嚴十四歲

秋八月再贈一品夫人曾大母閭太夫人卒從祖兆
合葬芝山之陽

曾大母年八十七家嚴猶得侍焉自昔家運不造
伯絕仲夭世系幾廢二百年來已事纒纒焉者皆
祖妣之所日授始得考祖籍作列傳以昭明先世

之烈是皆天壽貞母撫孤以續其統云

嘉靖二十一年壬寅家嚴十五歲

惟日孜孜慕古博極羣書且精舉子業哀然以經術鳴於時

嘉靖二十二年癸卯家嚴十六歲

大父居常斷斷取予不問於家雖歷任都閫而囊橐蕭然鄉人私語曰孝廉孝廉將何以遺後也大父聞之呼家嚴曰爾果以吾無所遺則憾者乎爾吾遺爾不貲財之帝所富盛矣家嚴頓首曰大人所遺高高在上吾何患盜焉

歲少保年譜

卷一

嘉靖二十三年甲辰家嚴十七歲

夏六月捧檄上勳府襲世官

時大父膺疾促家嚴襲官北上大父素以清慎爲守貧乏資斧乃鬻隴右別墅以給京費於是設祖郊外執家嚴手申命之曰吾遺若者毋輕用之家嚴躍然起曰兒當求增何敢輕用諸賓愕不知所云遂奉命北上待次司馬門有善相人者越多人而語之曰將軍春秋三十六秉鉞專征不五等卽三孤勳名極矣後一一如其所言

秋八月贈少保左都督大父芝山府君孝廉將軍卒

是月家嚴留都門未還大父病劇思之甚呼家嚴
不絕口如有所欲言者無何而逝時仲秋月二日
也家徒四壁惟遺川扇一柄卧內一榻猶不能存
傷哉廉也張大母號奔無措其襁斂之需一皆出
於稱貸云冬十月家嚴既得襲歸而孤朝夕哀號
以不得受治命爲終天恨乃追庭訓考保定志據
萊山序孝廉軼事紀之以成先志云

嘉靖二十四年己巳家嚴十八歲

冬十月娶嫡母王氏

時家嚴母子三人孤苦無依乃從張八母命娶家

戚少保年譜

卷一

九

慈主中饋家慈既歸後同寅相顧者二日飲無資家
嚴方計窘無措俄而盤飧具暨客去一問其由乃
家慈撤簪珥質辦者也嘗市一魚三斬待餽朝進
首午進尾間有餘曰亡矣則以臠在腹而陰自奉
心曠之暮以魚腹羞家嚴色沮曰子枵腹以果吾
腹甘苦可無同乎家慈曰妾侏君勞君良妾苦禮
也家嚴心德之方諸孟光深相敬讓

嘉靖二十五年丙午家嚴十九歲

是年任屯務家嚴服官精白以當眾心當道藉藉
稱奇既司屯政絲毫不染夙弊爲之一清居嘗謂

僚友曰古君子者登布聖須過困難拂鬱一關使
無此關則人皆士君子而此屋可封矣惟其有此
一關則能窒欲而越出者爲君子縱欲而徇情者
爲小人此所以爲小人易而亂日常多也諸僚稱
善初家嚴受學中谷梁先生日就外館及受官家
貧出入不能戒輿從且不可徒行梁乃就教焉因
謂曰汝世官今幸仕矣不廢學而師人吾其成汝
志乎方其登梁正色曰汝先君清白無遺貲安得
辦此竟斥去乃日坐書舍旦暮勤讀然忘倦嘗
題韜鈴深處曰小築暫高枕憂時舊口盟呼樽來
此少保年譜卷一

善劍一襲輕之句

嘉靖二十六年丁未家嚴二十歲

是年仍理屯務家嚴嘗晝寢夢大父厲聲命曰吾
有十四戒爾小子其識之真心寔行以體吾言始
爲克孝子汝父平生喜誦二語曰上帝臨汝勿貳
爾心汝記憶否家嚴驚寤汗浹踵遂起百拜揮淚
書之座右一曰攻爾過者爾師也屬下人能陳爾
過卽不師之以禮然必師之以心一曰寫字潦草

屢誤恆心何在一日應酬繁劇時便動性起厭惡
心涵養學問何謂一日耐煩不通之人遇事如抽
亂絲一般宜戒之一曰機務不密豈有猷有守之
作爲乎一日元神不惜汨汨於事則竭而死矣尚
何爲乎一日眼雖外視時時須反照腔子裏一日
受人秘言轉卽傳露推此念頭乃好奇誇聞之過
一日傳人言說當比他常拙些少些不可附會增
益一日交淺言深取禍之道此爾癩病不可謂之
開心見誠也一日喜時輕許與必非重然諾當
裁以理一日怒時不可裁答書移須懲忿定氣

歲少保年譜

卷一

十一

一日書移中好盡言直言何快於忿取尤耳一
曰事長事貴知所敬畏矣臨下賤卻放肆其於
敬畏長者貴人皆僞也此便是有二心

嘉靖二十七年戊申家嚴二十一歲

春正月部兵戍薊門

比年軍政會推家嚴部六郡良家子踐更薊門時
仲叔柳塘公未婚家慈脫簪珥爲叔納室李氏以
家嚴經歲靡盬冀得叔姒如常棣也李年幼未閑
事幾失驩家嚴乃引喻之遂擬黃臺吟以自警其
辭曰四瓜猶畏摘兩瓜更何如一摘瓜分半再摘

蔓且除家家有南畝毋使婦人鋤
嘉靖二十八年己酉家嚴二十二歲

春正月部兵再戍薊門

家嚴赴戍意氣翩翩蔚然霞舉每於途次馬上豪
吟因事賦懷曰結束遠從征辭家已百程空疲東
海騎漸老朔方兵并邑財應竭藩籬勢未成每經
霜露候報國眼常明

冬十月中式山東武舉鄉試

嘉靖二十九年庚戌家嚴二十三歲

春正月部兵更戍薊門

戚少保年譜 卷一

七

家嚴頻年戍薊習繭事甚悉幸旦夕北寇患耳
乃私計保疆域而障國家臣子事也 薊無勁兵
何以爲天下雄況薊爲都城唇齒則桑土綢繆是
在今日於是著備俺答策森森乎若發武庫之藏
當道奇其才而不能用

秋九月會試都門尋俺答薄都城條上禦虜方略奉

詔督防九門

是年軍政推署衛筭適值試期家嚴辭之北上既
入都門有頃俺答擁眾由古北長驅入犯密雲順
義通州等處尋薄都城屠掠村落甚慘京師戒嚴

詔簡材官戍城守入試者亦選登陴家嚴乃總旗
牌督防九門復條陳禦虜方略十餘事悉勝算也
部當其議以國士聞隨奏命刊播中外使將士習
法用之退寇若持左券遂紀錄將才云

冬十月山東直指劉公瑤疏薦青年而資性敏慧
壯志而騎射優長

扣衷富有甲兵投筆深通章句
先開軍旅之事卓有乃父之風

嘉靖三十年辛亥家嚴二十四歲

春正月復戍薊門

家嚴部兵赴戍途次金嶺驛感懷賦 楚雀聲中

感慨深郵亭午夢苦相侵嬌啼不識 弓客飛過

戚少保年譜 卷一

槐陰復柳陰又馬土行云岐路驅馳 主情江花

邊月笑平生一年三百六十日多是 戈馬上行

及抵薊過太平登南寺望北山古刹有導以長生

術者家嚴曰身爲司命義在死綏方求致身徇國

以帥士志而乃師人以學長生是可以訓乎流行

坎止屬之彼蒼鞠躬盡瘁夕死何憾此將門長生

之術也

二月兵科給事中王公德疏薦屢式武魁尤精騎
射究心雲鳥之陣

唾手汗馬之勞膂力方剛早已馳
同流俗志向堅定今尤迥出尋常

兵部主事計公士元疏薦留心韜畧奮跡武閣管
屯而俗弊悉除奉職而

操持不苟才猷虎變當收儒將之功意氣鷹揚可望干城之奇

山東直指項公廷吉疏薦年資英銳騎射優長有慷慨不羈之懷負勇往

直前之氣志存武舉而韜畧素明職理屯田而積弊盡革即其施為之勇可視樹立之功

是夏五月撤防撫院巡行海上閱武東牟場有新製巨銃無人敢發家嚴應命三發之而神色不動

莫不壯其膽畧

山東中丞王公績疏薦才猷出眾騎射兼人應武

頗服眾心勇畧獨冠圍而每多中式領民兵而

羣英志節更超流俗

秋八月再贈一品夫人嫡祖妣張大母

家嚴撤防歸方兩浹月大母張太夫公抱病伏枕

此少保年譜卷一

於是月十有一日遺世張嫡大母靜仁慧孝謹

出於天性事姑盡恭暮年不懈侍夫一巾櫛翼雅

相對如賓雖數隨任而於衣服簪珥之飾一無所

蓄更有膠木小星之風與大母王太夫人共綜內

政人兩多之及王大母卒家嚴尚幼慈愛甚於已

出嘗與大父言及後事苦乏賞大父指家嚴曰此

非吾賞乎

嘉靖三十一年壬子家嚴二十五歲

春正月戌薊門公山東歲遣治兵使者部六郡官兵戍薊家嚴任中

軍歲赴春防使者起文學侍從鑾轎諸偏裨家嚴
務輯眾心一軍皆服於是益習邊事利弊因紀綱
成法討軍寔而訓飭之爲國籌邊晝夜匪懈使者
大爲之起敬云

嘉靖三十二年癸丑家嚴二十六歲

夏六月進署都指揮僉事督山東備倭事

自庚戌虜變家嚴以材官條上便宜禦虜虜退司
馬知名久矣至是拜十萬戶總督三營二十四衛
備倭海上遂日振飭營伍整刷衛所 有舅行者
在材官中以長揆不用命家嚴乃章 以瘳不義

盛少保年譜

卷一

七

暮卽脫冠罪已盡家人之禮偃僕而 之舅膝行
而前曰知君執法今而後吾不敢逆 命也由是
風聲遠播凡有挈餅之知者私相謂曰法不諱親
公也先國後己讓也舅且不假況在門牆爲之屬
吏者乎苟或不戢祇自速罪戾耳

嘉靖三十三年甲寅家嚴二十七歲

春三月巡海上諸營衛

初卽墨某者鴟張暴虐人也肆螫閭里跋扈有年
鄉人不堪其毒屢訟於官卒脫於道會家嚴按部
卽墨有以惡狀聞者某覺之遠屏村隩乃授法二

穎潛捕之獲於野海上肅然時有詢將材於家嚴者對曰君所問何將也若夫偉幹鼎力容止言辭是處有人不過匹夫之勇色莊之流耳必任眞任怨以國事爲家事謀兵如謀身明紀律持清操千人之敵萬人之勇誠未見其人也已而轉節過文登營賦詩云冉冉雙幡度海涯曉烟低護野人家誰將春色來殘堞獨有悲風送晚笳水落尚存秦代石潮來不見漢時槎遙知夷島浮天際未敢忘危負歲華

秋八月合厝大父母於祖兆

戚少保年譜

卷一

六

家嚴頻歲防邊大父並張大母之柩未及窆於先兆於是起王母之柩卜吉合葬於兆芝山之陽時仲秋十有六日也

始靖三十四年乙卯家嚴二十八歲

是春正月備倭公署後故有太平樓憑堞闕海溟波萬頃北對三韓之墟東接五畿之域島嶼儼列蜃氣時浮亦勝地也時家嚴備倭海上乃於元日登樓賦詩云高臺元日一登遊東向扶桑送遠眸岸隱潮聲連古戍陽回春意滿芳洲鯨波突兀遶山隔螺島微茫海市浮翹首五雲宮闕近靈氛當

能不措亡於旦晝者幾何

映太平樓公餘常與叔稽古竟日叔問曰今人說起古人清節孝義莫不侈為美談而思仰止及其自待待物却又在私慾上用念何也家嚴曰天理難復而易蔽人欲難制而易縱復理如仰面攻城縱欲如下坡推轂不觀諸物乎路傍之草踐剗而猶生者欲也瓊臺之花灌溉而難茂者理也故慮敵國外患為民害須高城雉深溝壘慮私欲潛滋為心害須廣義路闢理門由是敵雖多可使無鬪治吾之氣有以奪之也誘雖重可使奪治吾之心有以閑之也不然嗜欲一汨即日六古人居其

英敏綽兼乎一事器宇不老成有凝

定不擾之守馭軍安靜多從容應變

御史雅公焯疏薦即舉措而見其多才古議論有

方營伍之凋殘提調靡墜謀猷久濟人望久孚用

秋七月轉浙江都司僉書司屯局事

是月奉詔赴浙郊別叔曰吾世東牟今七葉矣始

見常棣之華將謂壘篋永和乃吾以君命出第以

儒生羈懷汝者衷乎遠汝者勢乎且貧無以為產

奈何幸有先人之敝廬足翳風雨遂舉世俸授之

俾佐饘粥之資

嘉靖三十五年丙辰家嚴二十九歲

秋七月詔進分守圍紹台地方參將事

初家嚴僉書浙瀋勵精宣勤督造有法會倭寇桐鄉從總督出禦贊畫多方寇隨引去適朝議以定海邇夷島重地也宜添設將官參將重任也又宜簡擇良將制府胡公宗憲目家嚴而心多之錄名以請遂得旨任新命焉

秋八月烏夷寇龍山首捷於高家樓

渠魁汪直分遣徐海等率島夷入寇制府誘徐

戚少保在

卷一

九

海戮之餘孽八百有奇流至慈谿邱二二家爲巢

進寇龍山所參將盧公鏜副使許公望王公詢

把總盧錡各率兵二千遊擊尹秉衡率兵三千共

禦之家嚴新任而龍山屬其境內一間賊至卽馳

軍於高家樓待之賊以三酋分三路衝入各部兵

數千人皆披靡家嚴據高石射賊三發矢中三酋

兵皆合賊乃退是役也兵無專統謀不僉同且家

嚴職爲新設兵屬舊轄方欲訓練而寇適至賴三

矢而退諸部兵咸服其勇畧云

秋九月龍山捷續雲

時季秋朔有四日中丞阮公鶚親督參將俞公大猷暨家嚴與賊戰於龍山三捷之賊夜遁乃督諸部兵追至縉雲復勝之仍追至桐嶺又轉戰鴈門嶺誤中其伏賊夾擊諸部兵皆卻走惟譚公綸與家嚴二軍不動賊遂不敢輕犯然無援亦不敢窮追賊乃由樂清遁海而去

嘉靖三十六年丁巳家嚴三十歲

春正月招奠龍山陣亡兵士

畧云客秋軍壁於此爰致殊捷爾輩勇而前裨躍鋒刃余以倉忙追賊而去未能一而招之旅

成少保年譜

卷一

九

魂何依日夜擢念載經茲地滂淚莫至於奉令不臧之輩輒坐軍法情亦可矜然使一車振勵以弭大愆均有裨於主事者遣官致奠薄寓余勤冥冥有知宜鑒余心嗚呼慘慘風雲過客下羣猿之淚悠悠魂魄汗青揚萬古之芬殺身成仁爾亦奚愧於世也而茲死可無憾矣

二月條練土兵

浙爲東南財賦之區承平日久民不知兵頃緣奸商勾引倭奴犯順一時變起倉卒浙直騷然而兵乏訓練當事者悉從權宜之計遠調諸省勁卒及

土夷諸兵雖微有成功而狼子野心終難控馭且沿途剽掠甚於盜賊萬里愆期兵來寇去緩急不濟繩之以法則怨而犯上寵之以恩則玩而殃民夫容兵既不足恃而然眉之急又不可緩家嚴目睹其弊遂條上練兵議請練越人以從事質諸左右左右盛額阻之詢及寮察寮察哄堂笑之皆曰禦倭事自有督撫主持且從來未聞倭可殺者須待其飽載歸浮海擊之庶可獲功贖罪而漁利復不賞也家嚴喟然嘆曰凡司三軍之士者必曰練兵夫此練字即練絲者將生練熟以繩練之謂也

少保年一

卷一

五

巧匠能練無知覺之生絲使之熟而刀官乃不能練有知覺之民使之戰不亦愧於丁乎況倭非大創盡殲終不能杜其再至乃排羣議而上之制府胡公覽而擲之於地曰浙人可練我自爲之豈俟汝耶少頃令吏取而復讀之曰此舉或聞諸鄉士夫我如不允必歸咎也姑勉從之次上之中丞阮公曰此吾志也吾其成之遂深契而決策焉循至季冬始以兵備僉事曹公天佑所部兵三千付之簡練未及週期而舟山已戒寇矣

附練兵議畧云守不忘戰將之任也訓練有備兵

之事也乃今軍書警報將士憂惶徒將流寄雜兵
應敵更取福廣舟師驅而陸戰兵無節制卒鮮經
練士心不附軍令不知況又赤體赴敵身無甲冑
之蔽而當慣戰必死之寇手無素習之藝而較精
錫巧熟之技且行無齋裹食無炊爨戰無號令守
無營壁其何以禦寇今爲之計必器壘具而進可
相持餼糧備而退有宿飽此所謂蓄艾於豫而後
無患於病者也至於身先士卒援枹忘身是職少
所素講乃若監敵制變防險設奇是在職自出
難以逆計惟茲簡戎兵詰器具明部一肅營陣教

戚少保年譜

卷一

五

藝有成而能隨其指示發縱者則一之愚殉國
之誠也況十室之邑必有忠信堂堂浙豈無材
勇誠得浙士三千親行訓練比及三年足堪禦敵
可省客兵歲費數倍矣

浙中丞阮公鶚疏薦

年力精強志氣奮發馭下得整肅之體才名兼騎射之長

勞苦邱洋則志寢食者二旬驅馳蒼嶺則披荆棘者千里

秋九月渠曾王直擁眾據岑港

王直即汪直欽人也落魄任俠嘉靖十

九年海禁漸弛直陰與葉宗滿等之廣東造巨艦收硝磺違禁之貨抵日本暹羅等國互市五年致富不貲夷人信服稱爲五峰船主因勾引島夷門多郎等爲部落聚亡命徐海等爲部長分統之往來海上搶掠壬子年直使人叩關求市不許因請剿廣賊立功要求不遂隨率眾頻入內地糾集

寇練而自以扁舟據泊岑港參將俞公驪舟師圍之直突圍去乃怨中國益深日藐官軍易與也更造巨艦據日本薩摩州之松浦津僭號曰永自稱曰徽王時時遣島夷入寇濱海千里咸遭荼毒先是歲乙卯十二月制府胡公命生員蔣洲陳可願等開洋抵日本五月島撫誘王直出島比豐后太守源義鎮差夷僧德陽爲使隨蔣洲進貢求通中國乃於是年五月蔣洲與德陽先到國無日本國王勸合量加稿賞暫棲德陽等於石牛港以待直是月二十五日直始至率眾列泊岑港意指莫測舟山人心震駭咸思逃避家嚴謂家慈曰吾封疆之臣分必死緩汝其徙居郡城毋卒勿徙王直泊岑港爲忠臣妾獨不能爲烈婦乎勿徙王直泊岑港已數旬逗遛支吾不肯束身離舟入見制府制府恐其緩兵逃脫於是命各道進兵督兵出馬墓港遏其歸路密調家嚴與張四維等督將士埋伏數匝及令夏正等說之十一月二十一日始離舟見制府命造鳥銃以立功中國始知此技

嘉靖三十七年戊午家嚴三十一歲

戚之保年譜

卷一

三

夷人覺設備嚴急探知兵防難脫正日間意將合歸謀攻巡海道端瑞慮二賊合謀乃移會家嚴行催德陽等開洋歸國二月三日夷僧必不嚴命去等三十餘人各露刃至舟山城下欲日不嚴命去其刃不從因不納示以督府撫諭令歸明日待漏初下吳四郎等八人忿登座舫挾參將張公四維又令二西倭連夜過山報岑港之賊糾五百餘人由舟山西高嶺而來將至座舫四維見事急督令家丁擊斃數賊吳四郎等泅身越水而逝由是夷僧貢船遂合歸岑港矣

夏四月島夷寇温州督兵往援捷於烏牛

是時奉制府檄馳援台城以防北來羣寇於是月二十三日庚子督所部兵自舟山渡海過奉化將至台聞倭據温州路遂兼程前進甲辰晚次樂清乙巳師遇雨如注地方耆老邀於民舍避之家嚴

曰千人露立吾何忍也會雨止乃入寺中假息方
秣馬蓐食間而烏夷適渡江焚劫盤石衛之烏牛
矣明日丙子遲明親部把總邢鎮等兵鼓隊聯營
直抵盤石屯兵城外會午食竣遂分兵爲三以百
戶胡守仁義士徐希忠等部兵由絞頭沿江而進
以千戶劉意武生章延廩等部兵由白塔而進自
將中軍大隊倍道兼行直至烏牛山賊見我兵勢
銳奔過館頭據浦隔水爲險隊長湯加一王良忠
壯士周祖王良九等當先冒敵首挫賊陣諸兵乘
勝涉水齊驅而擁擊之自辰至午五分獲餘賊
乃四潰莫支皆鼠竄深山逃匿藁林山中思潛遁矣
當陣擠溺數百餘斬首二十餘級釋賊俘擄男婦
三百餘人我兵陣亡湯加一等三人因夜晦未得
搜山乃列營山下復布兵千人聲礮呼喊分備沿
江要路於時隔岸餘寇瞭知前寇勢敗即放泊乘
潮勢欲接渡見我兵肅陣嚴備復回本岸值更餘
潮長我兵面山背水無地可退乃暫偃兵過港而
前賊潛駕舸艘接拯諸亡命出洋次日丁未搜山
獲二賊斬之遂收兵回盤石紀驗功罪殲寇陣亡
候主兵會合進剿時部卒有持一級來者雙眸炯

爛不瞑心知其冤忍一卒至前撫而慟曰此吾弟也卽傷未及死今何殺之持級者語塞遂斬之反視目已瞑矣又一兵持童子首約十五六者曰赤子何罪敢妄殺乎亦斬之坐及隊長以徇其陣亡者仍自爲沐屍脫所服戎錦殮之復率官屬臨奠慟哭士卒無不感奮云

夏五月島夷再寇温州復捷於烏牛之小崎

是月戊申朔越二日巳酉日晡突流島夷八十餘艘數盈四千餘眾泊舟烏牛館頭四剽掠半流盤石之北斗門家嚴督所部抵北斗十里橋賊

戚少保年譜

卷一

五

尚伏匿民屋令一魯從小子隔橋擣爲我兵陳國用然鳥機彈死遂斬首奪鼓當有數百餘猿出獲迎我兵齊燎鉛火爭標藥矢賊不能當向田亂潰各部斬首六十餘顆餘賊奔白塔小嶺吹螺舉火賊眾聞號四合蜂集奮授餘賊回舟我兵復屯十里橋保斗門等村落至酉時諸亡命半納舟中復半聚館頭家嚴乃休兵以待之五日壬子昧爽賊復糾合二千餘眾劫十里橋澳我兵追及賊懼不敢迎敵退過白塔徑登層山我兵馳隊衝擊保救逃山男婦無算賊遂由外山潛退奔舟自此

兩挫其鋒連日挑戰不出初九日丙辰南岸龍灣
賊夜攻壘村所城家嚴合材官劉意部兵渡援賊
因星遁次辰初十日龍灣賊聚四十餘艘覘圖盤
石我兵屯劄沿江十有餘里賊睹兵威嚴整轉帆
大小崎分泊黃華屯舟北洋收踪不出十一日戊
午烏牛館頭島夷聯舟百艘剽劫海上復令各兵
分布沿江防衛如前仍趨同知尹公尚賢設備漁
舟而以把總梅奎邢鎮等部兵由水路上自督陸
兵沿江進次日合師水陸夾攻賊皆下卻以小舟
匿身陰遁陽用大福蒼船迎戰我兵下路奮攻追

臧少保年譜

卷一

五

至小崎山下家嚴乃身櫻前鋒親發一矢賊舟舵
工應弦而倒會劉意又射斃櫓手以一舵櫓皆歇
賊勢乃窮我兵奮勇四面環擊且戰且一賊無脫
者計斬首四十餘級生擒二十餘夷福艦蒼艘一
時灰燼焚溺賊徒無算其泊大崎黃華諸寇瞭聞
軍聲震地煙火蔽天不敢回顧遠遁大洋開帆而
去時岑港賊屯舟泊港久據不動延至秋七月奔
柯梅造巨艦十八艘始出洋歸國賊既逸去而
一時在事文武多官詔
命協力立功以贖其愆

冬十二月督兵清岑港獲白猿白鹿以獻

表峇云灑雪奇毛顯休徵於效順捫霜潔質昭和
氣以呈祥是蓋神靈所召夫豈虞羅可張聯臂伸

使犬狐伏命犄角制勝全驅豺虎投荒
養神保太和於有素啣芝曜瑞兆聖壽於無疆

嘉靖三十八年己未家嚴三十二歲

春三月島夷入犯金墩部兵追戰於松浦再戰于鑑溪兩討平之

是月二十二日甲午龍山謀報島夷三百餘徒犯甯波之金墩家嚴提兵追至松浦海塘親督戰士毛廣宏等當鋒首刃一巨賊餘賊退走奉化抵蔣家舖我兵鼓隊衝擊賊不能當急遁松浦於二十五日丁酉督百戶胡守仁等部兵追鑑溪一鼓成功斬馘殆盡續倭賊鳩眾紛登流一温台等處

戚少保年譜

卷一

三

在台者一穴于柵浦一穴於桃渚一穴於海游在温者抄掠於平陽樂清之間各千餘沿海州郡無不被毒然倭夷犯浙皆華人誘之元年尚由蘇松等處其後遂至甯紹及徐海王直平不敢東向漸移而南於是温台警報不絕矣是年台郡一府六邑沿海三五百里悉爲倭穴不止如往年一焚黃巖一焚仙居已也時盧公鏜已引告劉公顯陞南樞制府乃命指揮盧錡應襲梁守愚所領處兵指揮張佑把總婁楠武舉丁邦彥所領義兵及都指揮祁雲龍之廣兵都司戴冲霄之島銃手各

主客兵俱屬家嚴統領援台

夏四月援台州連捷于連盤肯埠章安柵浦桃渚葛埠梅澳等處盡殄滅之

時奉檄援台乃會議兵巡計先剿湧泉之賊遂於孟夏朔五日丙午自甯波啟行初七日戊申道經柔州路口突遇羣寇即督壯士黃汝忠等首挫賊鋒一麾盡滅十三日甲寅抵湧泉賊聞先聲南遁桃渚十四日乙卯師次臨海流賊百餘屯章安鳩眾肆掠家嚴督胡守仁等部兵邀於合艚要路當斬黠賊五名餘賊引遁十五日辰連盤登

威少保年譜

卷一

七

犯島夷數百流劫海濱乃復發材官以時茂部兵

一哨爲前鋒親督客兵爲二路分屯應其召師

次薛嶺懸賊五里賊懼奔舟將遁我兵小陸並進

銃彈擁擊縱火焚舟溺燬殆盡計擒斬五百餘醜

各亡命爭搶船開遁時桃渚被圍月餘危在旦夕

四面皆賊道路阻絕於十六日丁巳乘雨登兵四

枝設伏以待復命烏銃手數十人潛計入城廣張

旗幟以爲疑兵次日戊午賊攻城烏銃齊發彈死

甚眾而堞上旌旗蔽日賊以爲大兵且入互相怨

悔而退十九日庚申賊分三百餘流劫肯埠會前

預伏百戶張諫千戶徐子義把總楊憲劉意等兵
邀截敗之斬其一首生擒二賊餘眾遁至章安隔
江放火招柵浦南岸羣夷合隊協助勢甚猖獗家
嚴乃以盧錡梁守愚張佑丁邦彥等部兵爲前鋒
以任錦楊憲解洪胡守仁等部兵爲策應於是三
路設伏務期合戰以收全功比隔江柵浦諸賊方
過岸併踪迎敵家嚴躬執袍鼓列陣於椒江之濱
我兵奮勇與賊短刃相接自辰至午敵不憚賊
颯虓異常處州義士胡元倫冒鋒數血戰不移
眾兵隨之鼓隊驅搏三戰而三勝之遂披靡四
散奔船不及沉溺甚眾餘寇爭載一不勝遂半
渡南岸半走山隈而椒江之寇南北而爲二矣
家嚴復督部兵追圍黃焦山下至更餘一面仰攻
一鼓而克計斬首五十有五級生擒首賊二俘奪
獲器仗一百六十有奇義士胡元倫手刃數賊身
被數鎗力竭而死家嚴解衣含殮率多官哭奠其
餘被傷兵勇各給優恤命醫調理休兵暫息二十
三日甲子把總任錦武舉諸應宿同仲叔柳塘公
柵浦搜斬賊首三級於時家嚴乃條上方畧謂今
年島夷大至三分其眾以龔温台然攻柵浦督

急而流圃浦賈子者亦重在温州者次之議以分巡僉事曹公天祐督都指揮祈雲龍百戶徐堂等兵屯黃巖仍以知縣張師善部鄉兵以牽制柵浦之勢以海道副使譚公綸都司戴冲霄督贊畫許崇教武舉徐平胡等部諸客兵屯海門以當二賊之衝家嚴自督處州義兵趨桃渚以解攻城之急制府是其議二十四日乙丑黎明督兵於桃渚懸賊三十里賊見我兵勢勇即時解奔巢莒埠據山港爲險會日暮休兵二十六日卯家嚴提親兵一旅潛由北鑑至梅澳鑿視地利忽遇流寇戚少保年譜

戚少保年譜

卷一

五

一夥卽并力齊攻我兵勢勇莫當賊港聚眾復出拒戰不勝遂回巢據穴自守家嚴致樓楠丁邦彥等部兵浮水先登隊長楊貫直入巢盧錡等受計燃賊西南一巢賊大敗奔舟計斬首六級生擒六賊焚溺甚眾其夜大雨如注殘寇負傷冒雨乘夜開洋居民盡還桃渚是役也數戰連捷共擒斬九十餘夷釋俘係男婦千有餘人云附錄時有郡吏陳文治係嘉禾人以舞文弄法爲問謫充戍軍前家嚴閱其人非行伍類也因其書移遂留之幕下問其所長則善策周易乃收爲記室於是凡出軍所無不奇中而因以軍功歷躋副戎然爲人器量褊狹後以位高金多率行賂制府謀代家嚴以機露而罷無何黑谷失

守掩敗爲功遂爲臺省照物卒
死于圍舍其所卜亦自無驗也

夏五月島夷再犯台温海門金清南灣石所庄雷海
等處帥所部主客官兵分布邀擊大破之

時副使譚公部兵守海門家嚴于仲夏壬申朔至
海門俄臨黃二縣謀報島夷三千自賈子柵浦流
來分襲海門家嚴進諸衛職語曰賊在外吾兵蓄
氣候戰城守一節爾輩任之眾皆曰吾輩職武事
免戰受賜多矣守城尚安辭及夜半賊以數百潛
襲衛城緣雉堞而登者三十人守者竟而報之
家嚴曰事急矣卽馳匹馬揮雙劍而直值風雨晦

戚少保年譜

卷一

冥咫尺不辨從者急呼主帥親自冲鋒於是偏裨
勇士雲集登城先島六賊餘不能當一壘城下眾
賊始奔回原巢乃斬守城者以徇連日一兩兵不
得進擊家嚴計賊巢有徑浦南可從金清閘渡新
河出南澗乃預進兵釘樁維舟塞其去路次辰初
五日丙子賊乘洪水挽舟由內港宵遁家嚴冒雨
提兵次第督發仍檄會副使譚公部兵取徑路趨
之初七日戊寅夜牛師屯新河城外比分巡僉事
曹公亦部兵五百至合營初八日巳卯賊舟阻水
於澤庫初九日庚辰賊果至新河金清港東西收

泊數里將渡南澗出海去路已塞又值大雨如注
道路水皆沒頸賊勢窮乃奔泊牛橋馳登新河前
山爲屯壘以拒初十日辛巳雨霽卽申令以把總
楊憲武生吳良知等兵爲東路前鋒千戶李超武
生呂光午等兵策應指揮盧錡應襲梁守愚等兵
爲中路前鋒千戶解洪百戶徐子懿等兵策應指
揮張佑把總樓楠等兵爲西路前鋒武舉丁邦彥
百戶胡守仁等兵策應都司戴冲霄鎮嘉喬松贊
畫蔡汝蘭王正億等所部銃箭手俱 選鋒布置
陣前以備出奇襲攻乃先以分巡部 兵出西城

戚少保年譜

卷一

三

誘賊伴擊其尾賊見兵出乃盡趨而 家嚴從南
城覘之度賊當顧牛橋遂悉出精銳 南門外賊
果奔而南於是楊憲等督部兵由東路 盧錡等
督處兵由中路進張佑等督義兵由西路進卯時
合戰各賊依船爲險以拒我兵而諸部兵各鼓隊
張翼向前首燭巨銃連碎二舟賊乃登北岸迎敵
我兵循山崎而前賊敗復退入船遂乘勝直驅飛
彈擊之勢如破竹賊力屈捨舟爭奔南岸沉溺紛
然雜重盡棄時兵皆面水而陣無舟可渡乃申令
不得窮追遂縱火攻之灼燬雙桅巨船三十二纜

焚溺賊眾千有餘徒因潮長盡漂外海止撈斬十
有六級生擒二俘釋係累男婦三百餘人鹵獲器
仗五百七十有奇餘孽狼狽水竄南岸宿于鐵場
山將由太平走樂清家嚴語譚公曰賊膽落矣宜
急追之時連雨水漲沒道家嚴偕譚公親同士卒
跋涉十一日壬午薄暮抵太平謀報賊沿途徑走
次日日中可抵南灣家嚴因兵糧漸弛有驕氣非
一振之法不可用平明陳兵東郊一親素信愛
者在退縮例竟呼出與他卒同斬之局備衣棺
兼遺養母之資百金其威克厥愛也如此既正法

戚少保年譜

卷一

三

眾心凜凜整隊而進十二日癸未追至南灣賊分
五路據海岸高山負險而巢墜石爲堞後據漁舟
數十爲出海計家嚴乃以指揮盧錡梁愚等部
處兵千人由山陰奪其嶺以拊其背武生章延廩
舍人陳其可等所部兵二千人分左右翼從旁夾
擊武生吳良知義士胡良瑤所部千人爲中陣正
兵拒賊前鋒都指揮祈雲龍所督千百戶羅天與
丁汝時武舉唐鍾等廣兵攻其北把總楊憲武生
呂光午等部佐之指揮張佑武舉丁邦彥義士樓
楠等所部義兵攻其西千百戶胡守仁許國鎮等

部佐之贊畫蔡汝蘭王正億等所部箭銃手分
遊兵往來促戰以太平尹趙公孟豪所督鄉兵
爲聲援以牽賊勢能以千戶李超賀鐸及解洪徐
子懿等兵合邀夾擊止留海途一面誘賊敗遁使
其自陷部署既定躬先倡率一鼓而前日方已晷
賊復分屯山巔負高據險下矢石以拒我兵我兵
急未得上家巖暨伸叔柳塘公當陣首發二矢連
貫執旗賊首二人賊氣奪匿樹陰中吳一知等速
諸軍併力仰攻奮勇登山盧錡等兵一山巔下擊
章延廩等兵左右夾擊祈雲龍張佑等兵亦各奮

戚少保年譜

卷一

三

登廩戰自午至申兵氣益銳賊披靡不能支遂從
山後奔下果由原開海塗而潰我兵勇圍擊渠
魁詣降餘寇盡陷海塗自赴水死至有一跪僚刃
無敢仰視者溺死不計生擒勾引賊首二俘斬首
二百七十九級鹵獲器械一百五十有奇釋係累
男婦三百餘人我兵無損一人殘孽二百餘寇各
負傷浮水鼠竄樂清家巖乃命指揮任錦邱泐等
部舟師銳卒馳伏石所庄拒扼海口邀賊歸路以
備夾擊而自督諸兵追擊于後十五日丙戌至某
磬嶺及之斬首十級賊不能抵殊死走樂清奔黃

花港家嚴乘夜分兵二路以海道部兵由館頭進
以親兵會會濕參將張公鉞與兵備副
使凌公雲璽亦各以兵至隨期會征發十六日丁
亥賊見我兵躡急勢窘乃劫漁舟計入夜開遁比
已預遣任錦等兵按伏以待賊至卽如令縱發舟
師宵擊其黨汨滅殆盡十八日巳丑制府移檄兵
備劉公存德及分巡曹公天佑都司牛天賜通判
吳成器督指揮張一夔劉大有等部上六諸營會
剿甯海之寇十九日庚寅諸部兵至海賊心怯
氣餒奔船出港家嚴督舟師乘風奮擊乃令把總

戚少保年誼

卷一

一

任錦等趨所督部兵追及貓頭洋犁沉賊舟六艘
計斬首二十有六級生擒二俘釋係男婦六十
餘人奪獲器仗五百有奇二十日再令口總邱泐
等趨所督部兵復追至清門洋衝沉賊戶五艘焚
燬四艘生擒七俘斬首二十有四級釋係累男婦
五千餘人奪獲器仗二百九十有奇而賊勢窮促
旋復登岸屯聚海濱民舍據樓抵角我兵乃復令
牛天賜吳成器張一夔等兵然芻火之羣醜伏命
靡有子遺計斬獲一百二十有五級鹵獲器仗一
千五百有奇其温州之倭預已分遣部兵追遁出

海兩浙始稱雷謫

秋八月議練義烏兵

前練臨觀之兵今已二年頗入穀率軍容咸整然終怯於短刃相接雖其居習使然亦緣兵皆市井之徒性殊狡猾家嚴於是因勝敗之故益悉軍情喟然曰練兵猶塾師發蒙性近者稍約束便成習遠者日程督無益也會稽之卒非性與習遠乎於是又上練兵議其畧云無兵而議戰亦無臂而格干將乃今烏合者不張徵調者不吾不知其可也聞義烏露金穴括徒遞陳兵於甌已人奮荆棘禦之暴有盈野其氣敵愾其習慄慄自輕其俗力本無他宜可鼓舞及今簡練訓習一旅可當三軍何患無兵制府入其議乃罷所部兵假以便宜同義烏合趙公大河亟募之遂與趙為莫逆交而練卒遂有成云

秋九月往募義烏兵

時有陳大成者著名里中家嚴善之而不謂能戎事也會金華守出示檄其應募咸謂必先得成始有應募者乃謀之縣尹以驥幣往成幡然出願屬家嚴部于是子翁雲集一日方草檄募士而架閣

佩劍鳴于几案間者逾時幕屬駭然異之有王女
龍者爲括徒中雄長聞檄而率子弟出山然鄙野
不識官府多跋扈狀家嚴知尹素得民心且尺籍
在握逃則易緝梗則易治乃請於制府借尹監軍
仍理縣事其選編之法凡城居者不用嘗敗於敵
者不用服從官府者不用得四千餘人其前紹兵
弊習一切反之遂以成軍練之期月皆入彀再易
月而偏部中法無不以一當百也

冬十月制府胡公上捷疏曰臣惟蠢 倭奴惟利
是圖頻年入犯東南地方罹禍已極乃今浙東江

戚少保年

卷一

三

北之寇於後踵至者幾千據險爲巢者數處乘隙
流突勢甚猖狂意圖分我兵力欲以 逞兇狂幸
而處處有備隨到隨擊威聲大振所向 必功台温
之人以爲自有倭患以來未有若邇來數捷之痛
快人心者此皆甯紹參將戚繼光宿抱忠猷深嫻
將畧冒險以全垂破之城奮勇而收敵愾之績威
名懋著勞効獨多勇冠三軍身經百戰累解桃渚
之厄屢扶海門之危其布師隨擊則一破於章安
再破於金清而羣兇落膽其督兵合戰則既平於
南灣復平於海甯而黨惡潛踪渠魁計獲地方底

定此一臣者所當首論而優錄者也疏上部覆逆
犯王直成擒地方文武各奮忠勇而威參將之功
捷獨多計其斬獲八百有奇論其勞績亦近日所
僅有者上命紀錄焉

巡撫應天副都御史翁公大立疏薦技能獨擅勇
敢先登練臨

觀二衛之兵訓齊不擾禦台温數千之賊
擄剿無遺功屢建于浙東各亦聞于海外

冬十一月率部兵軍台州以防海道副使譚公佐之

是月制府命勒兵五千同副使譚公勳口州以備

東甌流寇師未入境而賊聞先聲南是亦藉南

灣之餘威也時家嚴駐節武場枕江側以退楹爲

咸少保年卷一

居軒簷之陋狂濤怒號悲風悵愴水部陳濠進曰

日晴風暖猶或可也值此風寒之夕亦難堪乎

家嚴曰追思祖宗自開國荷養以來卹之日尚

多如此之夕自是還少能充此念過堪多矣

是月與譚公共遊天台時家嚴部兵防台而寇聞

兵來遂遁因謂譚曰茲還可遊天台也乃以仲冬

癸巳入山宿國清寺次日衝曉升高其山如龍脊

長數里狹僅尺餘皆茂草掩覆人由脊中旋行左

右下視萬壑無盡白雲生於其間高低濃淡漸次

升錯雖丹青不能以筆妙爭也乃曰學亦如是一

登絕頂則傍門曲徑無不洞見因復究論凡山當發處萬峰簇聚重壘連綿如聽急管繁絃如觀羣魚遊水此乃混沌初分時風氣沖蕩水土聚會處也四分而下小者十餘里大者百餘里漸漸和平崖壑以次開廣必有結氣之所平壤巨川水柔山曠凡如此處不爲省府卽爲縣堡否則必有大村巨姓數百年之家故佛經謂山川之成乃是鴻荒清濁將判之始大風晝夜吹其水沫爲高爲土低餘水所流歸而爲漕其所經蕩則一海壑今之去海數十里高山之上皆有海中喇殼等物凡山

咸少保年誼

卷一

三

巔大石方數十丈重億萬鈞倨立壘豈人力耶
浙直指周公斯盛疏薦
才堪應變勇
折衝紀律
嚴明而士皆
首册賜忠

義而事不避難誠爲萬夫之雄足當八面之寄

追祭松海陣亡義士

畧云己未歲倭犯松海余自越來援時寇勢方張列省徵兵輻輳郡城無敢發一矢敵之者余以孤軍直逼寇營爾輩奉制府命來屬余部首戰此地奮不顧身堂堂節制之兵血刃成功自吳越用武以來所未有之烈也寇悉倒戈跪而授首再勝於桃渚三勝於新河全捷於南灣開東南之雄風罷

徵戍之遠役茲其始也而爾輩竟殞於鋒鏑嗚呼
傷哉余雖分衣裹骸以致余慟緣追發倉皇未申
一醉□□□□□□軫忠魂之無依乃庸招爾
於戰場冀精英之來格嗚呼傷哉夫鏹幣既厚恤
爾充廟貌復崇妥爾魂以一畝畝之微不崇朝而
騰芬千禩苟存厲氣宜附旌旗以戢寇氛以植士
志毋作時音以爲吾黨羞

嘉靖三十九年庚申家嚴三十三歲

春正月創鴛鴦陣著紀效新書

家嚴嘗備胡邊塞習知西北地利坦夷無險阻獲

成少保年譜

卷一

三九

以方列並驅江南則地多沮澤行者不得比肩而
行陣與西北同何以戰乃間長短兵隊而進創
爲鴛鴦陣陣十二人首一人居前爲隊次二人
夾盾次二人夾枝兵次四人夾長矛次二人夾短
兵末一人爲火兵居後專事樵蘇偏則伍之兩則
什之始爲五行分爲兩儀變而爲三才其節短其
分數明其步伐合地宜其器互相爲用且犄角互
張攻距擊刺互應始出以方陣旣變而員曲終結
以直銳中出以正兩翼旁出以奇詳見于紀效新
書坐作進退咸入矩度金鼓節奏軍容整肅真有

蛇烏風雲之狀於是集所練條目自選伍以至號
令戰法行營武藝守哨水戰皆擇其實用有效者
分別先後次第之名爲一卷以誨教三軍俾日習
而月演焉名曰紀效新書凡十有四卷計數萬餘
言夫曰紀效所以明非曰耳空言曰新書所以明
其出於法而不泥於法合時措之宜也寔皆本于
躬所親歷履者而著之其詞率如口語不復潤飾
蓋宣諭軍眾非如是則不曉耳

凡鴛鴦陣乃殺賊必勝屢效者此是 要東伍第
一戰法令開式于後二牌平列狼筈各跟一牌以

戚少保年譜

卷一


四

防拿牌人後身長鎗每二枝各分管一牌一筈二
銳居後爲短兵防長鎗進的老了卽 殺上伍長
執挨牌在前餘兵照鴛鴦陣緊隨牌後 挨牌手
低頭執牌前進如已聞鼓聲而遲疑不進卽以軍
法斬首其餘兵仗牌刀遮擋于後緊隨牌進交鋒
筈以救牌長鎗救短兵救長鎗得法者如五行
之相生不得法者如五行之相尅牌手陣亡伍下
兵通斬要依此法無不勝矣

附鴛鴦陣圖于後

一隊分爲二伍
一隊分爲二伍
一隊分爲二伍
一隊分爲二伍

陣 鴛 鴛



兩儀陣變三才陣圖

戚少保年譜

卷一

四三

此為右奇兵大開抄敵以救正兵之不及也

此為左奇兵大開抄敵以救正兵之不及也

兵

正



附營壘解大槩以二分爲外壘一分爲子壁虛其中爲中軍如一司五哨以鳥銃爲一哨爲子層四哨爲外壘每面一哨如二司以六哨爲外壘以四哨爲子壁如三司以二司爲外壘以一司爲子壁如四司各爲一面各撥二哨爲子壁如五司以四司爲外壘一司爲子壁各鳥銃一哨亦爲子壁六司以四司爲外壘以二司爲子壁由此而擴充之愈多愈善惟鴛鴦陣必不可變耳迄今官陣中之隊伍莫不矜式此法以爲用兵之繩焉

春三月詔轉分守台金嚴等處地方參將事以兵巡

戚少保年譜

卷一

三

僉事唐公監海防諸戎務

時制府具題台金等府係沿海要害處當添設

將領整兵防禦得詔命遂改分守台今 順參將駐

節松海乃條上制府以圍台沿海廣濶設 援不及

議設伊員自 金僉事兼督海防制府特疏上請乃

以僉事唐公堯臣爲監佐理軍務兩人雅以才相

重若平生驩家嚴於是躬案海上形勢繕亭鄣謹

烽墩稽尺籍除戎器具舟師置間諜嚴號令廣詢

謀與士卒草蔬野處布恩信以作其氣水陸俱有

備瀕海可恃以無恐也時有監兵趙某者貪利妬

功陰腹蜂螿回讒有日嫁禍無媒乃因鞠脛而證
於制府胡公曰參戎戚帥軍者習於知兵將以危
君也而何廕庇之若是耶恐患之胎終以虎之豢
也胡公艸然變色曰吁嗟乎斯玉也胡爲乎蠅哉
斯校也胡爲乎投哉且木有良工則度之賓有禮
主則澤之宗憲操觚數帙閱人纏纏而後始獲茲
將奈何匝君之圍而蹶上將乎乃不樂而能飲未
幾趙以叢怨謝去云

秋九月制府胡公題留久任責成

制府胡公疏云台金參將戚繼光謀勇可當乎八

戚少保年譜

卷一

四

面膽氣獨雄於萬夫紀律嚴明而師行不擾素優
統禦之才恩威並著而士卒歸心屢刊獲之績
此誠以武畧而兼通文事者故去年浙刊屢捷寔
彼一臣之功況兵情土俗久已相安道里以夷彼
皆洞悉且任免任怨挺身幹事誠無出其右者合
無飭部免其別陞專候浙直總兵員缺推用務令
久任以便責成是年幸無疆警徵檄之擾而得以
悉意於所募士朝暮訓習期年成功於是以前所練
士禦寇若發礮然所至克捷而倭謂浙人能戰勇
莫能當不比往時調兵愆期可以攻劫自由也遂

罷徵天下兵餉而土人禦倭自此始

附錄徵兵考實

時東南沿海衛所軍政不舉武備盡弛海禁亦懈
奸商猾民因而勾引番船剽掠海中又托官豪庇
引有司莫敢誰何遂乘間節破黃巖崇德桐鄉乍
浦昌國等處諸城十餘處尋引舟南犯淮揚
吳淞諸郡焚燔廬舍擄子女財帛數千計兵士吏
民戰死逃亡不下數十萬所被攻陷郡邑以檄書
上聞世宗震怒推劾大臣乃以御史宗憲總督
浙直戎務勅東南帑藏悉從調取天下兵勇便宜
徵用於是南調湖廣土兵廣東徭兵廣西狼兵四
川苗兵福建賴兵崇明沙兵邵林僧北調山東
鎗手河南毛民田州瓦民北邊騎兵北邊射手凡
稱勝兵者輒致之然皆臨敵馳檄遠者千里近亦
數千里至以紀年而賊揚帆去矣卽或間至一戰
終不能勝當賊輒敗徒擾掠爲害故諺云賊爲梳
兵爲篋而土官且利其糜餼賞賚舉乾沒而潤橐
中竟無分毫轉給而又不約以律乃任其搶奪而
莫之禁東南髓膏始塗於寇終竭於兵此其爲一
劫也及是練兵克敵制勝著有成效遂罷所調兵

五

戚少保年譜會編卷之一終

卷一

天



